



7. ZERBITZU PUBLIKOEN ETA JARDUEREN TASAK ARAUTZEKO ORDENANTZA

I. XEDAPEN OROKORRAK.

1. artikulua

Udal honek Lurralde Historikoaren Tokiko Ogasunak arautzeko 9/2005 Foru Arauan aurreikusitakoaren arabera ezarriko du zerbitzu publikoen eta jardueren tasak, eta halaxe eskatuko ditu, ordenantza honekin bat (bertan jasotzen da tasa horiek dakartzan eranskina).

2. artikulua

Udal-barruti osoan aplikatuko da ordenantza hau.

II. IZAERA ETA EGITATE ZERGAGARRIA.

3. artikulua

Egitate zergagarria da Zuzenbide Publikoko araubidean zerbitzuak ematea eta jarduerak egitea, bereziki zergadunari dagozkionak, baldin eta zerbitzuak edo jarduerak ez badira zergadunek borondatez eskatu edo jaso dituztenak, eta ez badira sektore pribatuan ematen edo egiten. Hori guztia, 9/2005 Foru Arauko 21. artikuluan ezarritakoarekin bat.

III. SUBJEKTU PASIBOA.

4. artikulua

1. Pertsona fisikoak nahiz juridikoak eta Zergei buruzko Foru Arau Orokorraren 35. artikuluan aipatutako erakundeak dira zerga honen subjektu pasibo zergadunak, betiere, Durangoko Udalak eskaintzen edo antolatzen dituen zerbitzuak edo jarduerak eskatu badituzte edo horietatik onurak edo eraginak jasotzen badituzte. Zerbitzu eta jarduera horiek ordenantza honetan daude jasota.
2. Hauek izango dira zergadunaren ordezkioak:
 - a) Etxebizitzan edo lokalen okupatzaileek zerbitzuetatik edo jardueretatik onurak edo eraginak jasotzen dituztenean, jarduera edo zerbitzu horien tasetan, higiezin horietako jabeak zergadunordezkoak izango dira, eta, horrenbestez, kasu bada, onuradunen kuoten ardura hartuko dute.
 - b) Suhiltzaile zerbitzuengatik, aurrien prebentzioagatik, eraikuntza eta eraipen zerbitzuengatik, salbamendukoengatik eta, oro har, pertsona eta ondasunak babesteko zerbitzuengatik ezarritako tasetan, zerbitzuaren mantentzea barne, arriskuaren entitate edo sozietate aseguratzaileak.
 - c) Lurzoruari eta hiri antolaketari buruzko araudian jasotako hirigintza lizentziak emateagatik ezarritako tasetan, obren eraikitzaileak eta kontratistak.

5. artikulua

Honako hauek ordaindu behar dituzte tasak:

1. Banakoen eskariz gauzatutako zerbitzuetan edo jardueretan, eskatzaileek ordaindu beharko dituzte.
2. Zerbitzuak edo jarduerak banakoek eskatu gabe baina euren ekintzen edo omisioen eraginez gauzatu badira, ekintza edo omisio horien eragileek ordaindu beharko dituzte.

6. artikulua

Subjektu pasiboaz gain, tarifak ezartzeko arauetan aipatzen diren pertsonak ere ordenantza honetatik sortutako zerga-zorrak ordaindu beharko dituzte.

IV. SALBUESPENAK, MURRIZKETAK ETA HOBARIAK.


7. artikulua

Zerga-arloan salbuespenak edo hobariak eskaintzeko, xedapen orokor aplikagarrietan ezarritakoa da.

V. OINARRI ZERGAGARRIA.

8. artikulua

Zerbitzua gauzatzen duten unitate guztiek osatzen dute oinarri zergagarria –horietako unitate bakoitzari dagokion moduan.



VI. KUOTA.

9. artikulua

Kuota finkatzeko, aurreko artikuluko oinarriari eranskinetan jasotako tarifetatik hari dagokiona aplikatuko zaio, horretara jarritako zenbateko finko bat, edo bi prozeduretatik ateratzen den zenbatekoa. Hau guztia, aplikazio araei jarraiki.

VII. SORTZAPENA.

10. artikulua

Zerbitzuaren prestazioa hastean edo jarduera gauzatzean sortzen dira tasak.

Zergadunari egotzi ezin zaizkion arrazoiengatik zerbitzu publikoa edo jarduera administratiboa ez bada ematen edo garatzen, dagokion zenbatekoa itzuliko da.

VIII. LIKIDAZIOA ETA DIRU-SARRERA.

11. artikulua

Kontzeptu bakoitzari dagokion likidazioa egingo du Udal-administrazioak, dagokion tarifyan jasotako ordainarazpen bakoitzaren araei jarraituta.

1. epigrafea. Estolderiako eta zaborrak jaso eta deuseztatzeko zerbitzua

Tasaren egitate zergagarria da:

- a) Tasaren egitate zergagarria da, etxeetako zaborrak eta etxebizitzetako, alojamendu eta industria, merkataritza, lanbide, arte, zerbitzu, gizarte, kultura, kirol edo planeamendu urbanistikoan aurreikusitako bestelako jarduerak burutzen diren edo burutu daitezkeen establezimenduetako hiri hondakin solidoak biltzeko derrigorrezkoa den zerbitzua ematea, kontuan hartu gabe higiezinaren erabilera egokituta dagoen udal araudiari dagokionez. Halaber, estolderia zerbitzua ere sartzen da (iraitziak ebakuatzea, euri-urak, ur zikinak eta hondakin urak).
- b) Etxeetako zabortzat eta hiri hondakin solidotzat jotzen dira lokalak nahiz etxebizitzak garbitzetik ateratuko janari nahiz detritus hondar eta hondakinak, eta ez ordea, industri motako hondakinak, obra-hondakinak, giza-detritusak; kutsatutako gai eta materialak, gai eta material korrosiboak, arriskutsuak edo haiek bildu nahiz isurtzeko higiene, profilaxi edo segurtasun neurri bereziak hartu beharra eskatzen dutenak.
- c) Ez dute tasa ordaindu beharrik izango, norberaren borondatez nahiz alde batek eskatuta emandako honako zerbitzuok:
 - Industri, ospitale eta laborategietako etxeko nahiz hiriko zabor eta hondakin gisa sailkatu ez direnak biltzea.
 - Berogailu zentraletako errauts eta hondar-bilketa.
 - Obra-hondakinak biltzea.

1. Subjektu pasiboa:

- a) Subjektu pasibo zergadunak dira pertsona fisiko eta juridikoak eta Bizkaiko Lurralde Historikoko Zergen Foru Arau Orokorraren 35. artikulua aitpatzen dituen entitateak, zerbitzua ematen den leku, plaza, kale nahiz bide publikoetan kokatutako etxebizitzak eta lokalak okupatu nahiz darabiltzatenak, dela jabe nahiz gozamen-dun gisa dela errentari gisa, bai eta prekarioko izanda ere.
- b) Zergadunaren ordezkia etxebizitzan edo lokalen jabea izango da.

Sortzapen: zerbitzua ematen hasten denean sortzen dira. Zerbitzua nahitaez hartu behar denez gero, zerbitzu ematea hasitzat joko da, tasa ordaindu behar duten zergadunak darabiltzaten etxebizitza eta lokalak dauden lekuetan.